



UNIVERSITÄTS-
BIBLIOTHEK
PADERBORN

Universitätsbibliothek Paderborn

Oppiani Anazarbei De piscatu libri V

Oppianus <Anazarbensis>

Parisiis, 1555

Argvmenta Qvinque librorum Oppiani de piscibus.

urn:nbn:de:hbz:466:1-12729

ARGVMENTA QVINQVE

librorum Oppiani de piscibus.

PRIMVS habet coitus, proles, & pascua ponti.
Ostendit fraudes, cædes, & bella secundus.
Tertius in pisces hamos, & retia iactat.
Ducit amor quarto captos in fata natantes.
In quinto delphinus amat, cetæque necantur.

ARG. SINGVLORVM LIBRORVM

IN primo veniunt ad pascua lata cohortes
Æquoris, atque scarus pallentes ruminat herbas.
Pompilus associat nautas, sequiturque carinas.
Attoniti remoræ ponto miracula parvæ
Viderunt nautæ: noscit patriamque penates
Astacus, in propriam cupiens remeare cauernam:
Carcenades spoliū subeunt, tergōque coaptant:
Nautilus in ponto sub navis imagine ludit.
Neptuno delphin monstrat Nereida pulchram.
Et coeunt pisces, atque agmina magna natantum
Euxinos sulcant fluctus, atque oua resoluunt,
Et fœtus edunt, & pignora chara tuentur:
Præcipue delphin princeps, vitulique marini
Infantes catulos miro sectantur amore.

TVRPE veneficiū sentit torpedo secundo.
Pisciculos astu capiens mala rana trucidat,
Sepia natiuos connectit caute rudentes.
Occisæ squillæ figunt, perimuntque necantem
Labraca, sed cancer testas depascit hiantes.

Sæuit, & humano bos dirus sanguine gaudet:
Custodit pinnam cancer, pinnamque tuetur,
Noctua quanta gulæ sortitur damna voracis.
Polypus insidiis, & duris astacus armis,
Et muræna ferox alterno Marte domantur.
Et scolopendra vrit fœda prurigne corpus.
Letifero configunt vulnera iulides ore,
Et thynni, & gladij diro torquentur asilo
In canis exortu, sed non impune proteruæ
Delphinum lacerant amia, qui regnat in vndis,
Et salit in terram clausurus littore vitam:
Atque scarus iustus non fœdat sanguine ventrem.

TERTIVS in pisces hamos, & retia iactat,
Observare docet tempus, ventosque secundos,
Et volucris saltu cephalus fugit humida lina.
Mormylus, & labrax laqueos declinat arena:
Effugiunt hamos disrupto vulnere multi.
Piscantis manibus linquit torpedo rigorem.
Sepia sub nigro fugit occultata liquore.
Inter se laniant, pisces sunt piscibus esca.
Anthieon gentes venter compellit in hamos.
Cantharus in nassam socios subigitque ciētque.
Dumque parant aliis pestem, labuntur in ipsam
Admoes, calchis mirrha capietur odora.
Ast algis salpæ, sed triglæ sorde trahuntur.
Turbato rapitur ponto melanurus in hamos.
Terribiles gladij falluntur imagine falsa.
Sponte subit laqueos scombrus belonæque rotundæ:
Et Celtæ, & Siculi, thynnos piscantur Iberi.

IN quarto vires sæui narrantur amoris,
Eripitur scarus à socio de vimine cauda.
Fallit amor cephalos, & fœmina tracta per vndas.
Sepia fœmineo subit vltima fata furore.
In venerem pronus vxores cossyphus ardet.
Nec galei, & catuli socium discrimine linquunt.
Polypus ad glaucam reptat periturus oliuam.
Et sargus simæ capitur ab imagine capræ.
Hippurus laceræ prendit fragmenta carinæ.
Lolligo longi capitur sub stamine fusi.
Spiritus anguillas inflato viscere ducit.
Ast aphyæ nexæ nodum glomerantur in vnum.
Pelamydes vasta fundo sub mole trahuntur.
Vallatos spinis manibus trahit æquore sargos,
Pellit letiferis pisces in fata venenis.

IN quinto sternunt cete ductore perempto.
At lamnæ & catuli pereunt, dum vincula remi
Prendunt, collectam nodosa in retia prædam
Perturbant, pelluntque canes, sed vertice cæso
Occumbunt phocæ, quanquam impenetrabile telo
Tegmen habent, sole arripitur testudo perusta,
Aut resupinato, luctatur dum mare tergo.
Et desyderio pueri correptus amati
Immoritur delphin. violant pia numina Thraces,
Delphinum humano generi populantur amicum,
Piscandi socium subeuntem munera prædæ.
Purpura corripitur lanas sparsura colore,
Et cædunt spongas prædam, miserabile visu,
E fundo educunt mutilati corpore toto.

OPPIANI